

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 407281/05

ՎԱՐՉԱԿԱՆ ԻՐԱՎԱԽԱՒՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 17.03.2020թ. թիվ 5208 վարչական իրավախախտման վերաբերյալ արձանագրությունը, քննելով վարչական իրավախախտման վերաբերյալ թիվ 5208 գործը և կից նյութերը,

ՊԱՐԶԵՑԻ

Համաձայն հարկային մարմնում առկա անձնական հաշվի քարտի տվյալների «ԴԻՆՈՂՈՒԲՐԻԿ» ՍՊԸ-ի (ՀՎՀՀ՝ 05018584, հասցե՝ ՀՀ Արագածոտնի մարզ, ք. Աշտարակ 1 փողոց 67 12) հարկային պարտավորությունները 24.01.2020թ-ի դրությամբ կազմել են 310.150 դրամ, որից 181.240 ՀՀ դրամ գումարն առաջացել է 2019թ-ի դեկտեմբեր ամսվա եկամտային հարկի հաշվարկից: 2019թ-ի դեկտեմբեր ամսվա եկամտային հարկի հաշվարկից առաջացած 181.240 ՀՀ դրամ հարկի գումարը «ԴԻՆՈՂՈՒԲՐԻԿ» ՍՊԸ-ի տնօրեն Արթուր Գևորգյանի կողմից ՀՀ Հարկային օրենսգրքի 158-րդ հոդվածի 1-ին մասով սահմանված ժամկետում չի վճարվել, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 170³ հոդվածով:

Վարույթի շրջանակներում ընկերության տնօրենը ներկայացրել է գրավոր առարկություն, առ այն որ ծանուցագիրը ուղարկելու օրվա դրությամբ «ԴԻՆՈՂՈՒԲՐԻԿ» ՍՊԸ-ն բյուջեի նկատմամբ չվճարված հարկային պարտավորություն չունի:

Վերոնշյալ հանգամանքը վարչական պատասխանատվությունից ազատելու հիմք չէ, քանի որ համաձայն ՀՀ Հարկային օրենսգրքի 158-րդ հոդվածի 1-ին մասի՝ Հարկային գործակալները Օրենսգրքի 154-րդ հոդվածի 1-ին մասով սահմանված կարգով հաշվարկված՝ պետական բյուջե վճարման ենթակա եկամտային հարկի գումարները պետական բյուջե են վճարում մինչև հաշվետու ժամանակաշրջանին հաջորդող ամսվա 20-ը ներառյալ: Ինչպես նաև ՀՀ Հարկային օրենսգրքի 33-րդ հոդվածի՝ հարկ վճարողների և դրանց պաշտոնատար անձանց պարտականությունները և նշված հոդվածի 1-ին մասի 1-ին կետի համաձայն հարկ վճարողը (հարկային գործակալը) և դրա պաշտոնատար անձը պարտավոր է օրենսգրքով այլ բան սահմանված չլինելու դեպքում Օրենսգրքով և վճարների վերաբերյալ Հայաստանի Հանրապետության օրենքներով սահմանված կարգով և ժամկետներում ինքնուրույն հաշվարկել և կատարել իր հարկային պարտավորությունները՝ Օրենսգրքով և վճարների վերաբերյալ Հայաստանի Հանրապետության օրենքներով սահմանված դեպքերում և կարգով կատարելով նաև հարկի և (կամ) վճարի կանխավճարներ, իսկ համաձայն Վարչական իրավախախտումների վերաբերյալ ՀՀ օրենսգրքի 170³ հոդվածի հարկերը, տուրքերը և օրենքով սահմանված պարտադիր այլ վճարումները սահմանված ժամկետներում չվճարելը առաջացնում է տուգանքի նշանակում:

Անհրաժեշտ է նշել, որ «ԴԻՆՈՂՈՒԲՐԻԿ» ՍՊԸ-ի տնօրեն Արթուր Գևորգյանը վերոգրյալ նորմերի համաձայն պարտավորվում էր 2019թ-ի դեկտեմբեր ամսվա եկամտային հարկի

հաշվարկից առաջացած հարկային պարտավորությունը կատարել 2020թ-ի հունվարի 20-ը ներառյալ: Սակայն դեկտեմբեր ամսվա եկամտային հարկից առաջացած 181.240 ՀՀ դրամ գումարը վճարվել է սահմանված ժամկետից ուշ՝ 24.01.2020թ.-75.949 ՀՀ դրամ, 05.02.2020թ.-105.291 ՀՀ դրամ:

Այն փաստը, որ Արթուր Գևորգյանի կողմից վերջին մեկ տարվա ընթացքում թույլ է տրվել իրավախախտում /11.02.2019թ. թիվ 000323/05 որոշում/, սույն գործով դիտվում է որպես պատասխանատվությունը ծանրացնող հանգամանք:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 34, 244², 281 հոդվածներով և 282 հոդվածի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 170³ հոդվածի՝ Արթուր Գևորգյանի նկատմամբ կիրառել վարչական տույժ՝ նշանակել տուգանք 20.000 (քսան հազար) դրամի չափով:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄԱՅԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝ Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելու օրվանից հետո երեսուն օրվա ընթացքում: Նշված ժամկետը հարգելի պատճառներով բացթողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվեհամարին. **900005240487՝** տուգանքի վճարման անդորրագրի <<նպատակ>> դաշտում պարտադիր նշելով որոշման համարը:

Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով:

Ստացա որոշման պատճենը _____